

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**

Хорижий давлатларда таълим олганлик тўғрисидаги ҳужжатларни тан олиш ва нострификациялаш (эквивалентлигини қайд этиш) тартиби тўғрисида Низомга ўзгартиришлар ва қўшимчалар киритиш ҳақида

Хорижий давлатларда таълим олганлик тўғрисидаги ҳужжатларни тан олиш ва нострификациялаш (эквивалентлигини қайд этиш) тартибини янада такомиллаштириш мақсадида Вазирлар Маҳкамаси қарор қилади:

1. Вазирлар Маҳкамасининг 2000 йил 25 июлдаги 283-сон қарори (Ўзбекистон Республикаси КТ, 2000 й., 7-сон, 42-модда) билан тасдиқланган Хорижий давлатларда таълим олганлик тўғрисидаги ҳужжатларни тан олиш ва нострификациялаш (эквивалентлигини қайд этиш) тартиби тўғрисида Низомга иловага мувофиқ ўзгартиришлар ва қўшимчалар киритилсин.

2. Ўзбекистон Республикаси Вазирлар Маҳкамаси ҳузуридаги Давлат тест маркази манфаатдор вазирликлар ва идоралар билан биргаликда бир ой муддатда норматив-ҳуқуқий ҳужжатларини ушбу қарорга мувофиқлаштирадилар.

3. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари _____ зиммасига юклатилсин.

**Ўзбекистон Республикасининг
Бош вазири**

Ш.Мирзиёев

Вазирлар Маҳкамасининг
2016 йил “__” _____ даги
_____ -сон қарорига
ИЛОВА

Хорижий давлатларда таълим олганлик тўғрисидаги ҳужжатларни тан олиш ва нострификациялаш (эквивалентлигини қайд этиш) тартиби тўғрисидаги Низомга киритиладиган ўзгартиришлар ва қўшимчалар

1. 5, 8 ва 32-бандлар “ўрта махсус” сўзларидан кейин “касб-хунар” сўзи билан тўлдирилсин.

2. 6-банд куйидаги таҳрирда баён этилсин:

“6. Хорижий давлатларнинг умумий ўрта таълим босқичлари ҳужжатларини тан олиш Қорақалпоғистон Республикаси Халқ таълими вазирлиги, вилоятлар халқ таълими бошқармалари ва Тошкент шаҳар халқ таълими бош бошқармасида, хорижий давлатларнинг тўлиқ ўрта (тўлиқсиз ўрта, ўрта) маълумот олганлик тўғрисидаги ҳужжатларини тан олиш Қорақалпоғистон Республикаси, вилоятлар ва Тошкент шаҳар ўрта махсус, касб-хунар таълими ҳудудий бошқармаларида ташкил этиладиган комиссиялар томонидан ариза ва маълумот тўғрисидаги ҳужжатнинг асл нусхаси, унинг нотариал тасдиқланган давлат тилидаги таржимаси асосида мурожаат қилинган кундан бошлаб энг кўпи билан икки ҳафта муддатда амалга оширилади. Комиссия хулосаси Бошқармага юборилади ва уч кун муддат ичида тегишли қарор қабул қилишга асос бўлади. Комиссиялар бутун ўқув йили давомида фаолият кўрсатади ва ўз иши ҳақида Бошқармага ҳисобот беради.”

3. 6-бандга куйидаги 6¹ – кичик банд билан тўлдирилсин:

“6¹. Қорақалпоғистон Республикаси, вилоятлар ва Тошкент шаҳар ўрта махсус, касб-хунар таълими ҳудудий бошқармаларида ташкил этиладиган комиссиялар томонидан хорижий давлатларнинг ўрта таълим муассасаларида 10-, 11- ва 12-синфларда таълим олган талабгорларнинг ҳужжатлари таълим олганлик тўғрисидаги баҳолар табели (маълумотнома) ёки шаҳодатномага асосан тан олинади ва нострификация (эквивалентлигини қайд этиш) қилинади. Бунда ушбу таълим ҳужжатлари ўрта махсус (академик лицей) ёки тўлиқсиз ўрта махсус, касб-хунар таълимига тенглаштирилади ва тегишли гувоҳнома расмийлаштириб берилади.”

4. 7-банддаги “(«Умид» жамғармаси тавсияси билан, давлатлараро битимлар орқали ва бошқалар)” сўзлари “(Давлатлараро битимлар, Ўзбекистон Республикаси

Президентининг ва Вазирлар Маҳкамасининг қарорлари ва фармойишлари, Вазирлар Маҳкамасининг баённомалари)” сўзлари билан алмаштирилсин.

5. 9-банд куйидаги таҳрирда баён этилсин:

“9. Хорижий давлатларда ўрта махсус, касб-хунар ва олий таълим олганлик тўғрисидаги ҳужжатларни нострификациялаш ҳақидаги аризага (2-иловага мувофиқ) куйидагилар илова қилинади:

ҳужжат эгасининг шахсини тасдиқловчи ҳужжат нусхаси;

маълумот тўғрисидаги ҳужжат ва унинг иловасининг асл нусхаси (ўтилган ўқув курслари ва уларнинг ҳажми, якуний баҳолар, амалиёт, курс ва битирув малака ишлари рўйхати, ўқув жараёнининг бошқа бажарилган талаблари кўрсатилиши лозим);

маълумот тўғрисидаги ҳужжат ва унинг иловасининг Ўзбекистон Республикаси давлат тилига нотариал тасдиқланган таржимаси;

Ариза қабул қилингандан кейин маълумот тўғрисидаги ҳужжат ва унинг иловасининг асли ҳужжат эгасига қайтарилади.”

6. 10-банд “(легализация рўйхатида) борлигини текшириб,” сўзларидан кейин “(апостиль қўйилган маълумот тўғрисидаги ҳужжат бундан мустасно)” сўзлари билан тўлдирилсин.

7. 13-банднинг тўртинчи хатбошиси куйидаги мазмундаги тўртинчи, бешинчи ва олтинчи хатбошилар билан алмаштирилсин:

“таълим олганлик тўғрисидаги ҳужжат Ўзбекистон Республикасида амалда мавжуд бўлган таълим шаклида ўқиб олинган бўлиши;

таълим тўғрисидаги ҳужжатнинг тан олиниши Ўзбекистон Республикаси билан давлатлараро битимларда кўзда тутилган (кооперация усули ёки мақсадли ўқитиш йўли билан олинган таълим бундан мустасно) бўлиши зарур.

Белгиланган талабнинг бажарилмаслиги таълим тўғрисидаги ҳужжатни тан олмасликка асос бўлади.”

8. 18-банднинг биринчи хатбошидаги “қабул қилиниши мумкин” сўзлари “қабул қилинади” сўзлари билан алмаштирилсин.

8. 18-бандда:

биринчи хатбошидаги “қабул қилиниши мумкин” сўзлари “қабул қилинади” сўзлари билан алмаштирилсин;

тўртинчи хатбоши куйидаги мазмундаги тўртинчи ва бешинчи хатбошилар билан алмаштирилсин;

“Ўзлаштирилган ўқув фанлари ҳажми ва дарс соатлари миқдори Ўзбекистон Республикасининг давлат таълим стандартларига мувофиқ белгиланган тартибда тасдиқланган намунавий ўқув режанинг 55 фоизидан кам қисмини бажарган бўлса;”

маълумот Ўзбекистон Республикаси қонунчилигида кўзда тутилмаган ёки ушбу таълим йўналиши (мутахассислиги) бўйича Ўзбекистон Республикасида амалда қўлланилмаётган таълим шаклида олинган бўлса”.

9. 20-банднинг “Ҳужжат эгаси” сўзларидан кейин “ёхуд унинг нотариал тасдиқланган ишончномага эга бўлган қонуний вакили” сўзлари тўлдирилсин.

10. Қуйидаги мазмундаги 23.¹, 23.² ва 23.³ -бандлар билан тўлдирилсин:

“23.¹ Эксперт комиссияси ҳужжатларни экспертизадан ўтказиш натижасида талабгор томонидан тақдим этилган хорижий давлатларда таълим олганлик тўғрисидаги ҳужжатларнинг белгиланган талабларга жавоб бериши ёки бермаслиги ҳақида хулоса беради.

Эксперт комиссиясининг хулосаси талабгорларга ёзма равишда маълум қилинади.

Ижобий хулоса олган талабгорлар махсус синовда иштирок этиш учун Давлат тест марказига махсус синовлар ўтказиладиган кунидан камида ўн кун олдин ёзма равишда мурожаат қилиши керак.

23.² Талабгор хорижий давлатда таълим олганлик тўғрисидаги ҳужжатини нострификация қилиш учун мурожаат вақтда у таълим олган олий таълим муассасаси халқаро тан олинган ташкилотларнинг олий таълим муассасалари рейтингида (ARWU - Academic Ranking of World Universities, QS University Rankings ва бошқа) биринчи 500 талик рўйхатига киритилган бўлса, у ҳолда мазкур таълим муассасалари битирувчиларининг дипломлари тўғридан-тўғри (махсус синовларсиз) нострификацияланади.

Таълим тўғрисидаги ҳужжатлари тўғридан-тўғри нострификацияланадиган таълим муассасалари рўйхати ҳар йили эълон қилинадиган халқаро тан олинган ташкилотларнинг олий таълим муассасалари рейтинги асосида Олий ва ўрта махсус таълим вазирлиги ҳамда Давлат тест марказининг қўшма қарори билан белгиланади.

23.³ Эксперт комиссияси хорижий давлатларнинг таълим тўғрисидаги ҳужжатларини ўрганиб чиқиш жараёнида муайян бир таълим йўналиши (мутахассислик)нинг Ўзбекистон Республикаси давлат таълим стандартларига мос келмаслиги ёки кескин фарқ қилиши аниқланганда ушбу йўналишдаги ҳужжатларни нострификациялашни тўхтатиш ҳақида Давлат тест марказига таклиф киритиши мумкин.”

11. 24 ва 25 -бандлар қуйидаги таҳрирда баён этилсин:

“24. Эксперт комиссияси нострификация учун тақдим этилган таълим ҳужжатини ушбу Низомнинг 15-бандига мувофиқ махсус экспертизадан ўтказиш натижасида махсус синовлар ўтказиладиган фанларни белгилайди ва ушбу тўғрисида Бошқармага таклиф киритади.

Махсус синовлар эксперт комиссияси иштирокида ўтказилади.

Махсус синовлар натижаларига кўра 55 фоиз ва ундан кам балл тўплаган талабгорларнинг таълим тўғрисидаги ҳужжатлари нострификациялашга тавсия этилмайди.

Эксперт комиссияси қарорига мувофиқ махсус синовлар натижасига кўра ҳужжатлари нострификациялашга тавсия этилмаган талабгорлар белгиланган тартибда махсус синовларни топшириш учун қайта муружаат қилишлари мумкин.”

“25. Эксперт комиссияси хорижий давлатларнинг таълим тўғрисидаги ҳужжатларини ўрганиб чиқиб, мазкур Низомнинг 24-бандида назарда тутилган синовлар натижаларини инобатга олган ҳолда таълим олганлик тўғрисидаги ҳужжатни нострификациялашга тавсия этиш ёки тавсия этмаслик тўғрисида хулоса тайёрлайди ва уни Бошқармага тақдим этади.”

12. 26-банд қуйидаги хатбоши билан тўлдирилсин:

“Давлат тест маркази хорижий таълим муассасаларининг муайян таълим йўналиши (мутахассислиги)нинг мамун-моҳияти бўйича Ўзбекистон Республикаси давлат таълим стандартларига мос келмаслиги ҳоллари аниқланганда, эксперт комиссиясининг таклифи асосида ушбу таълим йўналиши (мутахассислиги) бўйича ҳужжатларни нострификациялашни тўхтатиш тўғрисида қарор қабул қилади.”

13. 27-банд қуйидаги мазмундаги иккинчи-олтинчи хатбошилар билан тўлдирилсин:

“Хорижий давлатларда таълим олганлик тўғрисидаги ҳужжатлар тан олинганда ва нострификация қилинганда (эквивалентлиги қайд этилганда) қуйидаги давлат намунасидаги гувоҳномалар расмийлаштирилади:

умумий ўрта маълумот тўғрисидаги шаҳодатномани нострификациялаш тўғрисидаги давлат намунасидаги гувоҳнома(3-иловага мувофиқ);

тўлиқсиз ўрта махсус, касб-ҳунар маълумот тўғрисидаги баҳолар табели ёки шаҳодатномани нострификациялаш тўғрисидаги давлат намунасидаги гувоҳнома (4-иловага мувофиқ) ;

ўрта махсус, касб-ҳунар маълумоти тўғрисидаги дипломини нострификациялаш тўғрисидаги давлат намунасидаги гувоҳнома (5-иловага мувофиқ);

олий маълумот (дипломли мутахассис, бакалавр ва магистр) даражасидаги дипломини нострификациялаш тўғрисидаги давлат намунасидаги гувоҳнома (6-иловага мувофиқ).”

14. 29-банд қуйидаги таҳрирда баён этилсин:

“29. Ариза берувчининг ҳужжатларини кўриб чиқиш ва экспертизадан ўтказиш муддати ариза қабул қилинган кундан бошлаб бир ойдан ошмаслиги керак.

Таълим олганлик тўғрисидаги ҳужжат берган таълим муассасаси, маҳаллий ва хорижий ташкилотлардан аниқлаштирувчи ҳужжатларни олиш талаб этилган ҳолларда махсус экспертизадан ўтказиш муддати аниқлаштирувчи ҳужжатлар олинган кундан бошлаб ҳисобланади.”

15. 30-банддаги “унинг топшириғига биноан керакли ҳужжатларга” сўзлари “нотариал тасдиқланган ишончномага” сўзлари билан алмаштирилсин.

16. Қуйидаги мазмундаги 2, 3, 4, 5 ва 6-иловалар билан тўлдирилсин: